



Broj: 16-12-16-2-4739-~~P~~/15
I. Sarajevo, 18.06. 2015. godine

Na osnovu čl. 70. i 89. Zakona o javnim nabavkama ("Službeni glasnik BiH", broj 39/14), na preporuku Komisije za provođenje postupka nabavke broj 16-12-16-2-4739/15 od 15.06.2015. godine, u postupku javne nabavke usluga ronilačke obuke za pripadnike Jedinice za specijalnu podršku, Državne agencije za istrage i zaštitu, direktor Državne agencije za istrage i zaštitu, d o n o s i

ODLUKU

o izboru najpovoljnijeg ponuđača u konkurentskom zahtjevu za dostavljanje ponuda za javnu nabavku usluga ronilačke obuke za pripadnike Jedinice za specijalnu podršku, Državne agencije za istrage i zaštitu

Član 1.

Prihvata se preporuka Komisije za provođenje postupka nabavke broj 16-12-16-2-4739/15 od 15.06.2015. godine i ugovor za javnu nabavku usluga ronilačke obuke za pripadnike Jedinice za specijalnu podršku, Državne agencije za istrage i zaštitu, dodjeljuje se ponuđaču Ronilački klub "BUK" Banja Luka, ponuda broj 16-12-16-2-4739-6/15 od 29.05.2015. godine, za ponuđenu cijenu od 13.710,00 KM bez uračunatog PDV-a.

Član 2.

Ponuđač iz člana 1. ove odluke obavezuje se da u roku od pet dana od dana prijema iste ugovornom organu dostavi dokaz o ispunjavanju uslova iz tač. 3.1.1 i 3.1.3 Konkurentskog zahtjeva (orginal ili ovjerena kopija).

Član 3.

Prijedlog ugovora dostavit će se na potpis izabranom ponuđaču Ronilački klub "BUK" Banja Luka po proteku roka od 10 dana od dana kada je ponuđač obaviješten o izboru napovoljnije ponude.

Član 4.

Za izvršenje ove odluke zadužuje se Sektor za materijalno-finansijske poslove Državne agencije za istrage i zaštitu.

Član 5.

Ova odluka objavit će se na web stranici Državne agencije za istrage i zaštitu, istovremeno s upućivanjem ponuđačima koji su učestvovali u postupku javne nabavke.

Član 6.

Ova odluka stupa na snagu danom donošenja.

O b r a z l o ž e n j e

Postupak javne nabavke usluga ronilačke obuke pripadnika Jedinice za specijalnu podršku, Državne agencije za istrage i zaštitu, pokrenut je odlukom direktora Državne agencije za istrage i zaštitu broj 16-12-16-2-4085-1/15 od 17.04.2015. godine. Postupak javne nabavke proveden je putem konkurentskog zahtjeva, za koji je obavještenje objavljeno na Portalu javnih nabavki broj 1161-7-2-445-3-10/15 od 28.04.2015. godine.

Komisija za provođenje postupka nabavke (u daljem tekstu: Komisija) dostavila je Izvještaj o radu broj 16-12-16-2-4739/15 od 21.05.2015. godine sa preporukom o izboru najpovoljnijeg ponuđača u postupku javne nabavke usluga ronilačke obuke.

Ukupno je pristigla jedna ponuda i to:

Redni broj	Naziv ponuđača	Ukupna cijena (bez PDV-a)
1.	Ronilački klub "BUK" Banja Luka	13.710,00 KM

Uvidom u dostavljenu ponudu ponuđača Ronilački klub "BUK" Banja Luka Komisija je konstatovala da je ista blagovremeno dostavljena, te da ponuđač ispunjava kvalifikacione uslove u pogledu njegove lične sposobnosti, sposobnosti obavljanja profesionalne djelatnosti, ekonomske i finansijske sposobnosti, te tehničke i profesionalne sposobnosti navedene u Konkurentskom zahtjevu.

Nakon pregledanja dokumentacije priložene uz dostavljenu ponudu Komisija je u smislu člana 65. st. (1) i (2) Zakona ocijenila ponudu kvalifikovanog ponuđača, primjenjujući kriterij najniže cijene tehnički zadovoljavajuće ponude iz tačke 8. Konkurentskog zahtjeva i sačinila rang listu, kako slijedi:

Redni broj	Naziv ponuđača	Ukupna cijena (bez PDV-a)
1.	Ronilački klub "BUK" Banja Luka	13.710,00 KM

Nakon provedenog postupka ocjenjivanja, Komisija je utvrdila da je ponuda ponuđača Ronilački klub "BUK" Banja Luka tehnički zadovoljavajuća i da ista ne premašuje procijenjenu vrijednost nabavke od 15.700,00 KM bez uračunatog PDV-a.

Komisija je na osnovu naprijed navedenog dala preporuku da se postupak javne nabavke usluga ronilačke obuke, uzimajući u obzir da je riječ o konkurentskom zahtjevu za dostavu ponuda sa dodatnom objavom obavještenja, okonča u skladu sa članom 89., a u vezi sa članom 70. Zakona o javnim nabavkama ("Službeni glasnik BiH"; broj 39/14) donošenjem Odluke o dodjeli ugovora ponuđaču Ronilački klub "BUK" Banja Luka, sa ukupnom cijenom ponude od 13.710,00 KM bez uračunatog PDV-a.

Uvažavajući preporuku Komisije odlučeno je kao u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja ove odluke. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama.

DOSTAVLJENO:

- Ponudaču 1x,
- Sektoru za mat.-fin poslove,
- a/a.

GLAVNI GENERALNI INSPEKTOR POLICIJE

